

مستطابق

محل مطبعه راداره :

جفال اوغلنده امنيت

صندوغي جوارنده

شنكول يقوشنده

۲۷ نومرو

اخطار :

مسلکمه موافق آثار

جدید مع المنونیه

قبول اولنور

درج ایدلهین آثاراعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، احوال و شئون اسلامیه در بحث ابرو هفته در نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندربلیرسه سنوی

۲۰ غروش فضله آلنیر

سنه لکی	التی آیلانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۱۷

۲۹ ذی القعدة پنجشنبه ۱۸ تشرین ثانی ۳۲۶

بشنجی جلد

بخاراده انتباه

بخارادن شو صوك كونلرده آلمان معلومات موثوقه ، بر انتباه معارفپروانهی ، بر تیقض علمایی مؤیدر . یکی اصولده مکتبک آچلادیغی ، خارجدن معلم جلیله تعلیم و تدریساته مباشرت اولندیغی ، مکتب و تعلیم علیهنده وضع اولنان تقیدات شدیدنك رفع اولونمقده بولندیغی بخارای شریفدن وارد اولان مکتوبلر کوسترمکده در . کچن سنه بر اثر سهو ، یاخود بعض دین و ملت دشمنی خائنلرک تزویرات و تشویقاتی نتیجه سی اوله رق مکتب و تعلیم ابتدائی علیهنه علمای کرام طرفندن ویریلن فتوالردن طولایی همان اولاد اسلامیه بی ظلام جهلدن قورتارمقده اولان مکتببار قانمشدی . مکتب و تعلیم طرفدارلرینك کفرلرینه حکم اولونمش و قتللرینه قدر واریلمشدی . بر قسمی ده مملکتدن طرد ؛ مکتب و تعلیمدن ، ترقیات اسلامیه دن بحث ایده جک اولانلرده آغیر جزالر ترتیب اولونمشدی . خلاصه وجدان اسلامیه و انسانیه نك هیچ بر صورتله قبول ایده میه جکی حرکات ؛ بتون عنعنه فجاعتیله بخارای شریفده ، او معدن علمده اجرا اولونمشدی ، ایشته ترقی و تعالی اسلامیه علیهنه اولان شو حرکتلریله بخارا علماسی وامراسی عالم اسلامی اسفلره ، یأسلره بوغمشلردی . قانون الهی و پیغمبری یه مخالف فتوالریله او علما ، وجدان اسلامیه ده محاکمه اولونمیه باشلامشلردی .

هله او دین پرده سی آلتنده بیک درلو وسوسه لر ایله صافدل علمای کرامی اغفال ایدن منفعتپرست حریرلر اوچیوز میلیون اسلام کتله واحده سنك وجداننده الی الابد محاکمه اولنه جقلرینی ، تلغین ایله جزالنه جقلرینی دوشونمیدیلر . ترقی و تعالی اسلامیه سد باغلامقله

قوانین الهیه و شریعت محمدیه یی ایاقلر آلتنه آلدیلر . ینه کندیلرینی حامی دین اوله رق کوستردیلر . بتون محیط صافزلی وجود ملوثلریله افساد ایدن ، حبه یی قبه کورن ؛ رقیبلرک ، دشمنلرک حضورنده دین مینمزه قارشو کذب و افترا لرقاته رق اسلامیه شین کتورمیه قدر جسارت کوستردیلر . انسان بویله دین پرده سی آلتنده اجرای مفسدت ایدن خائنلرک بز مسلمانلره ایتدکاری ضررلرینی دوشوندکجه یدش چشمنده حضرت ذوالجلالک صفت قهارانه سی تجلی یاب اولدیغی کوریور . اوت ، بو تجلیات انسانه تسلی ویریور ، بر کون مطابقا او مبارک صفتک زبونی اوله جقلرینی و آندن قطعاً فرجه یاب فرار اوله میه جقلرینی انسان دوشوندکجه تسکین غیظ ایدیور .

بمحمداه بخاراعلمای محترمه سی ده ایشک فرقه واردقلرینی ، حقیقی آ کلامقده اولدقلرینی و بر طاقم خائن وطن و ملت اولان اسلام دشمنلری طرفندن اغفال ایدلکارینی حس ایتیه باشلامشدر . کچن سنه وضع اولنان شدت و تقیدات تدریجاً زائل اولمقده بولمشدر . مفسدلرکده تزویراتی کارگیر اوله میه باشلامشدر . حتی بعضلری جزای سزالرینی بولمقده اولدقلری جمله مستخبرات موثوقه دندر . بویله بتون صفحات حیاتیله لرینی آمال حریصانه اوغورنده کچیرن ارباب فسادک ساحه فعالیتدن مجبوراً چکلمکده بولندقلری بخاراجه بیوک بر انتباه صاییلیر . دیمک بخاراده «انسان حقیقی» تقریق و تمیز اولونمایه باشلامشدر .

امید ایدهرز بخارا علمای کرامی بوندنصکره بویله منافع شخصیة خسیسیه لرینی منافع عمومیة اسلامیه یه ترجیح ایدن دین و ملت دشمنلر- ینك ملعنترلرینه ، شیطنترلرینه فریفته اولمازلر و انلرک تزویرات خائنانه لرینه قایلمازلر .

کروه فسدنك منافع خسیسه لری ایجاباتی اوله رق اورته یه نشر

ایتدکری تلقینات خائنانه لرینی حضرات علمای ذوی الاحترام بالذات تفتیش ایده رک خطا و صواب اولدینی تقدیر و تمیز ایدر لر .
چونکه بر کره فرق و تمیز اولونمیه رق بر چوق خطا لر ارتکاب ایدلدی . جکرگاه اسلامیه مهم برضربه اورولدی . مسلمانلری داغدار ایتدی . بتون قلوب امت محمدیه بخارا علماسنی مؤاخذه و محاکمه ایتدی .

عالم اسلام ، بخارا علمای حاضر سنک علمیه ، فکریله ، ترقیاتیه ، مدنیتیه نامنی جهانده طانتدیرمش اولان بخاریلرک ، او محترم اسلاف تعالی پرورک احفادی اولدیفنه شبهه ایتدی . چونکه محترم علمانک بکن سنه کی حرکات ممانعتکارانه سی اونجیب اسلافک او بیوک اجدادک احفادینه یاقیشه جق بر صورتده دکلدی .

ایشته او بکن سنه نک بیوک خطاسی حضرات علما ایچون بیوک برانتباه ، بیوک بر عبرتدر . بخارا علماسی امین اولملی و صورت قطعیده آ کلاملی که بتون حرکات و اجرا آتلی دایما او چیوز میلیون اسلامک نظر تفتیشنده در . اجرا آتلی یالکز بخارا محیطنده ، بخارا مملکتنده اولقله او اجرا آتدن عالم اسلام یخبر قالمیور . بلکه بتون اجرا آت و معاملات اینجه دن اینجه به عالم اسلامده تحلیل اولنه رق تفتیشات عمیقه اجرا اولندقدنصکره وجدان ولسان اسلامی ده محاکمه اولنیور . بخاراده علما طرفندن ویریلن برقتوا ، علماطر فندن اولان بر حرکت ، جرائد اسلامی و واسطه سیله نشر اولنه رق پیش انظار عالم اسلامی به وضع ارنلور و اوصورتله محاکمه ایدیلیر . بو عالم اسلامک محاکمه سی یالکز بخارا علماسنه مخصوص دکلدر ؛ تکمیل غربدن شرقه قدر متمد اولان بومالک اسلامی علماسی بوقتیشات ، بومحاکماتک تحت تأثیرنده در . علما ایچون بومحاکمه دن قور تولق امکانی یوقدر .

ایشته بخارا علمای کرام حضراتی ده بو عالم اسلام مراقبه سی نظر دفته آلسونلر و اوکا کوره هر درلو اجرا آتلی تنظیم ایتسونلر . عالم اسلامک و تاریخ اسلامک محاکمه سی قیامته قدر باقی اولدینی کبی ، فردای روز جزاده حضور حضرت واحد القهارده ده محاکمه اولنه جقلرینی اونو تمسونلر .

نور علی زاده

غیاث الدین حسنی

قصه ، حصه :

ألی بالطلی هر مورو

سعدی ، اوجهان شاعری ، استاد حقیقت

تصویر ایدیور شویله جه بر لوحه عبرت :

شهرک طاراجق بر سواقغندن کچوردم ،

باقدمکه اهالی قاپامش یوللری ، طوردم .

— « بر وقعه می وار ، یوقسه کورولمکده می بر ایش ؟

نردن بوقدر خلق کلوب بویله بیریکمش ؟

قابلدی صاووشمق دیهرک دون نه که لازم !

لکن بی قویورمدی بر درلو مراقم :

کوردم که : تموج ایدیور بر بیریکنتی ،

هرموجه سنک یرو جوشانی ایکلتی .

— باصا اوموزم چوکدی حریف !

— بوکره وورما !

— ازدک چوجنی !

— قاقا به یاهو !

— هادی طورما !

— نردن بو بلالی یره کلددمه طیقیدم .

یول ویر چیقایم .

— باقسه کز آبن ده صیقیدم .

طرزنده شکایتلر ایدن بر سورو انسان ،

بر دائرة ناقصه شکلنده خروشان .

اک اوکده کیلر : جسم ضروری متحرک

اوسطده قالانلرده دکل کندینه مالک .

اک آرقاده کی صف ایسه شایان تماشا :

ال ، اوکده اوموزلرده ، ایاق یرده می ؟ حاشا !

یارماقترینک او جلریدر خاکه دایانمش ،

کوزلر آچیلوب کورمک ایچین ، کردان اوزانمش !

دیرسه که ، ایتلمکه اپی صدمه کچیردم

غیرت ایدهرک خلقی یاروب اوک صفه کیردم

اولدی اوزمان پیش نکاهمده نمایان :

بر قلب شکسته کبی بر مسجد ویران

اخلاق کبی سقفی خرابه بی نشانه

اذهان کبی طاقی : اورومجکلره لانه

جمله قایسی : باب عدالت کبی مسدود

نقش دری : مدلول حمیت کبی نابود

اوتلر یتیشوب خاک ایله مستور آشیکنده

اولمش اثر همت بر مقبر زنده

دیواری بقایاسی اولان برایکی کرپیچ ،

یرده باش اوچنده دیکیلوب طورماده بر پیچ

سنأ کوچک اما ، نه بویوک قتنه بریا

اولمقده النده قوجه بر بالطه هویدا

وضعا اولیور حاله کوره هیکل بیداد

حالا ایسه : مستقبله ایصهارلاما جلاد

پیشنده ، بوکولمش بی بر یر جهاندید

طوتمش قولاغندن چوجوغی ایتهمده تهدید

بر الله چکوب کوشنی ، ایندیرمه ده برچوق

دیگر ال ایله رأس هوادارینه یومروق

حدتله کوپورمش دهنی صاچماده دشنام

ایلر چوجنگک — سب ایله — تأدینه اقدام :